

Dr M pertahan undang-undang ISA
MalaysiaKini.com
April 16, 2012
By Aidila Razak

Mantan perdana menteri Tun Dr Mahathir Mohamad terus mempertahankan bahawa ISA merupakan undang-undang yang "bagus" walau undang-undang baru untuk menggantikan peruntukan itu telahpun dibawa ke Dewan Rakyat.

Katanya, ISA digunakan sebelum ini kerana berlaku perkara tertentu yang menjejaskan kestabilan negara.

Tambahnya, ISA merupakan undang-undang yang "bagus" kerana membendung ancaman yang berpotensi mengancam negara.

Beliau mengambil contoh negara Amerika Syarikat yang mengkritik ISA tetapi kini menggunakan undang-undang yang menurutnya "lebih teruk daripada ISA."

"Mereka membenarkan penahanan tanpa bicara di Guantanamo Bay, sehingga 10 tahun dan membenarkan penyeksaan," katanya.

Bagaimanapun, ditanya mengenai kemampuan undang-undang baru itu dalam membendung ancaman keselamatan, Mahathir berkata beliau belum mengkaji undang-undang tersebut.

Copyright © 1999-2012 Mkini Dotcom Sdn. Bhd
Source: <http://www.malaysiakini.com/news/195142>

